

## Tuhaqtidjutit hapkunanga Auladjutinun Akiinun Ihivriuhjiit Katimajiin

URRCKut tuniyauyut Akiluangitigut Uuktuutit (GRA uvaluuniin uuktuutit) hapkunanga Qulliq Alruyaqtuqtunik Ikumadjutiit (QEC) uvani Hikutirvia 29, 2024. Uuktuutit hivumuuqtitaujut Ministamin Munaqhijumin ukuninga Qulliq Alruyaqtuqtunik Ikumadjutiit URRCKut ihivriuqtakhait pitquidjutinunlu.

### Uuktuutit

Uuktuutaini QECKut tukhiutit angirutinik, Ministamin munaqhijumin, hapkunanga:

- niriuktaujunin maniliunirmun pijakhat haffumani 2025/26 uuktuutinun ukiungani imaa \$183.9 million, kitut ikivalaaniaqtut imaa \$21.5 million pihimajut atuqtaujunin akiinun (QEC ihumagijait atuqtaujut akiit tapkua angiqtaulutik uvani 2022/23 GRA Akiinun Ihuaqhahait ukualu ntadjamin FSR akiit tapkua nunguniaqtut uvani Qiqailruq 31, 2025)
- ihuaqhahidjutit atuqtaujunun aviktuhimajumi-tamaani ihuaqhaqtauhimajut akiinun havauhiit (ilaani uqagaujut imaa "titrarqaringni sitaapsiup akiit'),
- malrungnik akituqjuumirniq tatqirhiutikkut akiliqtuijuit akiligahait ukualu tatqirhiutikkut piumajaujut kivgaqtuutinun akiligahat
- aktilaanga akituqjuumirup auladjutinun akiit imaa 9.5% igluqaqtunun nanminiaqtununlu akiliqtuijuit, unalu 12.9% apqutinun quliinun akiliqtuijuit,
- nutaat akiit atuliqtaulutik pihimalugit uvani Qittiqautiljuq 1, 2025/26 uuktuutinun ukiungani (QECKut uqaqtait ihumagijait tujuqlugit amigaitut uuktuutit tadjakaffuk akiinik pidjutigijaangini qitqani Qittiqautiljuq 1, 2025 unalu angiqlugit kinguliqpaat 2025/26 akiit).

Niriukgijaujuq maniliunirmun pijakhaq imaa \$183.9 million imaavjak \$40.0 million akitutqiaq tukhqtaujumun uvani 2022/23 GRA, unalu \$27.3 akitutqiaq uvanga 2022/23 GRA akiinun Ihuaqhaqtaujut, atuliquini Tattiarnaqhilirvia 1, 2023, kitut pidjutaujut akitutqiamik urhuqjuat akiit. Akituqjuumiqtut imaa \$27.3 million talvanga GRA Akiit Ihuaqhaqtaujut hivuani pidjutigiblugit, akituqjuumiqtut urhuqjuaqtungit auladjutit ukualu ihuaqhainirmun akiligahat (\$19.3 million), havaknikkuk urhuqjuat (\$5.9 million), utirutit akiinun pihimajut (\$4.3 million), pidjutaulaqtut imaa akikhijuumiqtut ihuaqhaqhimajut piquitit akiipaliajut (\$2.1 million). Akituqjuumirutit akiinun pidjutaujut akitutqiamik maniliuruit atuqtaujunun akiinun (\$2.4 million hivuani pidjutaujut auladjutinik atuqtut amigaiqjuumirun), akitutqijaujuq alrujaqtungnirmun maniliuruit (\$0.9 million) ukualu qaffitaalauniit tapkua katitigtauniaqtut uvani FSR aulangit (\$2.5 million). Maniliunirmun naamangitut imaa \$21.5 million qanuriniit pidjutaujut niriuktaujunun aalanguqtirirunimun talvanga 2022/23 GRA Akiinun Ihuaqhahidjutit.

Titiraqhimajuq qulaani QECKut pihimaliqtaut aviktuqhimajumi-tamaani akiit. Ataani aviktuqhimajup-tamaani akiit, tamaita akiliqtuijuit aadjikiikumik akiit qanuriniitigut akiligahait aadjikiit akiit, tamaini nunallaani Nunavunmi.

QEC tukhiqtut akiliqtulugu \$21.5 million maniliunirmun naamangitut imaa akituqjuumiqlugit auladjutinun akiit, ukualu akiliqtuijuit kivgaqtuutinik ukalu piumajaujut kivgaqtungnirmun aalanguqtiruit. Aktilaangit-akituqjuumiruit pihimajut auladjutikkut akiit imaa 9.5%. Akiliqtuijuit kivgaqtuutinik akiligahat tukhiqtajut akituqjuumiqlugit hamanga \$18 attauhiq tatqirhiut haffumunga \$36 attauhiq tatqirhiut. Piumajaujut kivgaqtuutit akiligahat tukhiqtajut akituqjuumiqlutik hamanga \$8 per kW hamunga \$16 per kW. Ilaliuthimajunun kangiqhidjutinun mikhaanun aalanguqtiruit aalakiingnirmun akiit qanuriniit takulugit Naunaitkutaini 8.1mi (hamanga GRA uuktuutaini).

GRA uuktuutait ilaujuty QECKut itqungniarutait akiligahanun hulaqtaujut tukhiqtajunun akiinun, ihumagilugit tatqirhiutit atungnirit imaa 500 kWh iglunik atuqtunik unalu 2,000 kWh nanminiaqtunun. Naunaitkutit ataani tunijaujut QECKunin uuktuutini (Naunaitkutaa 8.2). aadjiliurutigiblugu akiligahanun hulaqtutit aalanguqtirunimun tukhiqtajunun auladjutit, akiliqtuijuit ukualu piumajaujut akiit ataani ihumagijaujut tatqirhiutikkut atungnikkuk.

### Naunaitkutaq 8.2:

#### 2025/26 Akiit Tukhiqtajut Akiligahanun hulaqtaujut Ukualu Atuqtaujut Akiit

	Aktilaangit Akiligahanun Aalanguqtiruit
Kavamaungitut iglut - NESP Ikajuutiqaqtut	Akituqjuumiqtut imaa 7.4% (\$13.6)
Haamlani Taaksikkut Pihimajut / Kavamaungitut Iglut - Ikajuutiqaqtut	Akituqjuumiqlutik imaa 14.0% (\$53.3)
Kavamatkut Igluit	Akituqjuumiqlutik imaa 12.6% (\$70.7)
Haamlani Taaksikkut Pihimajut / Kavamaungitut Nanminiaqtut	Akituqjuumiqlutik imaa 12.6% (\$155.9)
Kavamatkut Nanminiit	Akituqjuumiqlutik imaa 11.4% (\$235.3)

### Havauhiq

URRCKut ihumagijait hapkua QECKut 2025/26 GRA Uuktuutait ilaqaqlutik kangiqhidjutinik tukhiutit/kiudjutit havauhiit ukuninga QECKut pipkailutik ukuninga URRCKunun kanutqiaqut kangiqhimalugit tukhiutit maliunirmun pijakhat akiillu. URRCKut tujhaajumajullu ihumagijainik QECKunun akiliqtuijuit piumajullu ilaujut pittiarikkut haffumunga Uuktuutinun, piqaqqat. URRCKut ihumaginiaqtait titiraqhimajut tujuqtaujut mikhaanun ukua GRA uuktuutait ukualu QECKut kiudjutit tapkununga tujuqtaujunun.

**Umikvikhaa titiraqhimajut tujuqtaujut una: 5 p.m. (EST) Ubluqtuhivia 24, 2025.**

QECKut GRA uuktuutait paqinaqtut uvani [www.qec.nu.ca](http://www.qec.nu.ca) apirhuutaukpataluuniin ukuninga URRCKunin QECKuninluuniin.

Tujgahat tujuqtaujaaqtut hamunga: Qaritaujakkut titiraqvigilugit – [URRC@gov.nu.ca](mailto:URRC@gov.nu.ca), Executive Director of the URRC, Box 1000, Stn 200, Iqaluit, NU, X0A 0H0